

WIEN UN DEE BIBOL:
CHRISTUNTUUM AA SCANLONSHA FALA
Bootshofft 7

ENNLEIDUNG: (Fu woo disu Wiad uut too shraekjun see daut 'Uutshpraekjungs Blaut'. For pronunciation see the 'Uutshpraekjungs Blaut'.

Jisstern hab wie miaru Shreffstada no juseen wooa, wann eena dee jrod soo lasst, sikj daut soo hiat daut Wien dringkjun ess bie Gott aunjunam. Dee wichstichtstu shtad waut wie no sochtun wia Juhaunuss 2, wooa Jeesus mol hafft selfst Wien jumaekt. Oba, wann eena doa mol deepa nenn kjikt, dann senun doa doch pungktun, wooa eena mott aunftun too wundurn, ess ditt werkjlich soo aus sikj daut iashtuns hiad. Unn ekj hab faa jushaugun daut disu shtada habun onns enn een dam Scanlonshun fala juleidt. Soo jufaadlich ess diss fala daut seeja fal waut ditt soo fushtonun aus sikj daut jrod soo hiat, woarun Alcoholics woarun, unn falu woarun doaderch aa Lawun fuliarun; falu andru woarun sikj selfst unn ukk andru too shplat bringun, unn falu woarun doa derch sickj selfst daut lawun namun.

Fonn daugol tseowusst hab wie onnsu Heng foll. Wie wellun Mattajus 27:34; Lukas 23:36; unn Juhaunuss 19:18-30 no seen. Unn dann Apostoljushichtun 2:13. No dam, 1 Korinta 11:21-22; 1 Timotajus 3:3, 8; unn Titus 1:7, 2:3. Unn dann aum latstun, 1 Timotajus 5:23. Soo dann kje wie nich siemun.

H. Mattajus 27:34; Lukas 23:36; Juhaunus 19:28-30

Wie senn butt dee Shreffstada wooa daut met dam Wien too doon hafft waut Jeesus wort aunjubodun aum Kjriets, eeja hee shtorf. Enn Juhaunus 19:28-30 saicht daut enn dee Shreffst soo, "No ditt, aus Jeesus wisst daut aulu dingja judon' wiarun, daut dee Shreffst mucht folfellt woarun saicht hee, 'Mie darsht.' Nu, doa wia unn Jufas doa, unn see felldun nu Schwam (sponge) mett suara Wien, unn duktun daut enn unn hildun daut no sien Muul. Unn aus hee dam suarun Wien junomun haud, sad hee, 'Daut ess foadich.' Unn dann buach hee sien Kopp, unn jeef sien Jeist opp."

Soo aus ekj dee Eefunjeelijums Jushicht toop shtall

aun disum pungk, wiarun doa dree mol waut Jeesus waut wort aunjubodun too dringkun. Daut iashtu mol ess bushrawun enn Matajus 27:34, unn Maurkuss 15:23. Matajus saicht daut see habun Jeesus Adik fumisht mett Gaul aunjubodun, oba hee drungk daut nich. Maurkus saicht see habun amm Adik fumisht mett Myrr (ditt ess unn Dringk waut dee Feeling Buteibt) aunjubodun, oba hee noom daut nich."

Soo dann, wann Matajus saicht hee haud daut junomun, wuad ekj namum fonn Maurkus daut hee daut jushmaikt hafft, unn aus hee wisst waut daut wia, hafft hee daut nich wieda judrungkun. Nuu, doa ess nu uusaak woaromm hee daut nich judrungkun hafft unn daut ess doa waejunts daut daut Alcohol ooda Jefft ooda Gaul haud soo aus Psalm 69:21 saicht. Wie habun disu Shrefftshtad eeja no juseen. Donn sach wie daut waut hia Gaul heet atich heet.

Daut tweedu mol aus Jeesus waut too dringkun wort aunjubodun ess enn Lukas 23:36 bushrawun. Daut saicht, "...dee Suldotun shpottun amm, kjeemun no amm unn boodun amm Adik aun, unn sadun daut wann duu dee Kjennikj fonn dee Juudun bess, dann radd die selfst." Nuu, woo wuad daut Jeesus shpottun wann see amm Wien aunboodun too dringkun? Enn Psalm 22:15 saicht daut daut waut amm seeja shwoa wia aus hee aum Kjriets honk wia daut amm dee Tung aun dee Baakun aun drad. Hee wia gaunts groosoatich fudarsht. Aulut nauts wia amm uut dam Kjarpa ruut jutrokjun unn hee wia fudarsht. Unn enn disun Psalm worun dee Suldotun romm amm fejlukt mett seeja shtoaku Bollus (22:12-18). Woo deedun see amm shptotun? See hildan amm daut faa too dringkun waut see gaunts neiw wisstun daut hee doa fonn nich drungk, doawaejun daut daut nich musst. Unn daut saicht hia ukk nich daut hee daut noom.

Daut dredu mol aus amm waut wort aunjubodun too dringkun ess enn Juhaunus 19. Daut een Wuatus Buak waut ekj hab saicht fonn disu Shrefftshtad, "Juhaunus 19:28 unn wieda nempt Jeesus sienu Wiad, 'Mie darsht,' aus nu folfelungk fonn Psalm 69:21 daut dee oshuldja hanhoola woat Adik aunjubodun too dringkun. Dee buteibunda Dringk enn Maurkus 15:22-23 unn Mattajus 28:34 ess gaunts waut aundrut aus ditt" (Blaut. 701). Falu Bibol Shiela saijun daut diss Dringk waut Jeesus noom ess unn aundra Dringk auss

dee waut hee auf sad.

Enn Psalm 69:21 saicht daut, "See jeewun mie ukk Gaul fu mien atun...", unn ditt soch wie eeja, sad hee auf. Dan saicht dee Psalm, "Unn fu mien Darsht jeewun see mie Adik too dringkun", unn fonn ditt noom hee waut. Auss Jeesus ditt judrungkun haud, wia dee latstu shrefftshtad enn folfelung jugon, unn dan siacht Jeesus, "Daut ess foadich!" Unn toom Shluss too disum Pungk sai j ekj daut dee Dringk waut Jeesus neem aus hee aum Kjriets honk wia nich unn jujaeda Dringk! Hee noom dee gauntsu Shtrof fu onnsu Sindun, unn leet sikj nich buteibun.

I. 1 Korinta 11:21-22

Doa ess noch eenu Shrefftshtad waut wie mottun no seen. Daut ess 1 Korinta 11:21-22 unn daut saicht soo: "Dann emm atun, unn jiedra nempt sien ajunut Ounkusst far dee aundru; unn eena ess hungrich unn dee naeksta ess budrungkun. Waut! Hab jie nich Hiesa toom benn atun unn dringkun? Ooda fu'acht jie Gott sienu Kjoak unn bringun too shaund dee waut nusht habun?"

Waut mengt daut wann daut saicht 'eena ess hungrich unn dee naeksta ess budrungkun'? Too disu tiet haudun dee Kjrisstun faekun waut wort junant 'unn Leew Fast'. Dee kjeemun no Kjoak toop unn eetun unn dann no dam haudun see daut Owunt Mol. Unn daut ess fonn disum Leew Fasst waut Paul hia fonn radun deit. Unn daut hiat sikj aus wann doa eensju wiarun waut sikj duun drungkun opp disum Fasst.

Wann daut soo wia, dann wood dee Apostol dolla jushellun habun awa daut jusuup aus awa woo see disum Fasst fiarun deedun. Daut Wuuat hia, waut hia awasatt ess aus 'trunkun' ooda 'duun' ooda 'budrungkun' ess daut Wuuat waut wie enn Johuanus 2 eeja haudun. Waut daut mengt ess wann dee sikj iasht gaunts foll judrungkun habun. Waut Paul hia mett sai jun deit ess, "Dann emm atun, unn jiedra nempt sien ajunut Ounkusst far dee aundru; unn eena ess hungrich unn dee naeksta hafft sikj ol foll jujatun unn foll judrunkun." Daut ess, wielt eena noch hungrich ess hafft dee aundra sikj ol foll jujatun unn uk foll judrungkun.

Opp kjeen waich ess daut hia nu sach wooa dee sikj opp Owuntmol busoopun. Dann wood dee Apostol hia fal dolla dringjunt juradt habun, dann hee saicht enn 1 Korinta 6 daut dee suupa woat daut Himolrikj nich emfangun.

J. 1 Timotajus 3:3, 8; unn Titus 1:7, 2:3

Wie wellun nuu wessu Shreffft shtada no seen waut fonn Eltichstash unn elru Fruujus enn dee Kjoakj radun. Enn 1 Timotajus 3:2-3 saicht daut daut unn Eltichsta nich unn Wien suupa (HG. Weinsaufer) senn sul. Enn dee 8 Farsht saicht daut soo fonn dam Diakoon. Enn Titus 1:7 radt daut ukk fonn dam Eltichsta, unn daut dee nich unn Wien suupa senn saul. Dann enn Titus 2:3 radt daut fonn dee elru Fruujus unn daut dee nich sellun Wien suupa senn.

Nuu, jrod soo too fushon hiat sikj daut soo daut unn besju jujaedun Wien dringkun unn doont ess oba jrots suupun, ooda too fal dringkun ess nich goot. Eltichstash, ooda Pradjash unn Diakoonun unn elru Fruujus suulun nich too fal dringkun. Hia rut fushto wie dann daut dee kjenn unn bat dringkun, oba nich too fal. Unn ditt ess busondash jushrawun fu Eltichstash, Diakonun unn elru Fruujus. Sul wie dann hia ruut fusthon daut arjunt eena waut nich unn Eltichsta ooda Diakoon ooda nu elru Fruu ess kaun fal dringkun? Wann ditt fonn jujaedun Wien radt, dann mott wie too shton daut aul dee aundru Kjrisstun kjenn fal Wien dringkun.

Nuu, daut Wuuat waut doa woat awasatt auss 'Wien suupa' ess 'paroinos.' Ditt Wuuat woat jubrukk fu soonu waut doa emm dicht aum Wien settun. Enn 1 Timotajus 3:8 saicht daut enn dee jriekashu Shreffft daut een Diakoon saul nich awa jujaft senn no fal Wien. Sell wie dann hia ruut namun daut dee waut nich Diakoonun senn kjenn awa jujaft senn no fal Wien? Dee waut nich Eltichstash senn, ess daut unn doont wann daut Wien suppa senn? Ess daut Kjrisstlich fu jingru Fruujus Wien suppa too senn?

Wie woarun mottun too shton daut wann disu Shreffft shtada fonn jujaedun Wien radun deit, dann latt dee Shreffft too daut soonu waut nich emm deent senn, ooda jingru Fruujus kjenn Wien suppa senn, unn

awajujaft kjenn senn too Suup shtoff. Ditt weet ju wie oba daut daut nich kaun soo senn jument, dann dee Shreffft saicht gaunts kloa daut dee Wien suppa nich woarun daut Himmol Rikj kriejun.

Soo dann fraug wie, fonn waut radun disu Shreffft shtada? Wann disu Farshtun fonn Wiendruwun Sauft radun, unn nich jujaedun Wien, kaun Maun too fal on jujaedun Sauft dringkun? Lot mie ditt uut lai jun soo aus Ekj daut fushto. Iasht, Ekj jleew waut daut hia fonn radun deit ess Wiendruwun Sauft waut nich jujaet hafft. Too Biebol Tiet, enn dee Shreffft, wann arjunt waa no Shtaut fua, ooda wann waa hann kjeem, dann wort Sauft aun jubodun too dringkun. Doa wia nich Koffu, ooda Tee, ooda Seida. Wann dee jusalshofft haudun dann haudun dee ukk waut toop too dringkjun. Wie fushton ditt. Daut ess noch soo. Unn dee basta dring, wann dee too kriejun wia, wia Wiendruwun Sauft. Ditt wia meeja wiat aus aarjunt aundra Sauft.

Nuu, ditt ess aula fein unn goot. Daut ess soo aus daut juhiat. Oba wann doa soonu senn waut doa bloos emma auluwaejun hann foarun unn jusalshofft habun, dann well sick daut enn o'needju futal jawun, unn unn juplaupa. Elru Fruujus, wann dee Kjingja iasht groot senn, unn dee Maun fleicht ol jushtorwun ess, dann well sikj daut ukk enn soont nenn jawun. Wooo emma Menchun fal toop komun unn enn juselshofft toop dringkun; unn doont aus Koffu ooda Tee, daut well enn rad rannun waut nich needich ess.

Unn aus dee Apostle well too rodun no waut fonn Maun dee Kjoak kjikjun sull wann daut too Leidash kjempt, dan satt hee dee dingja ruut waut buwiesun aus dee Maun wuud goot senn e'm Deenst. Hia mangk senn soonu sachun aus woo dee aaru Kjingja sikj fuhoodun. Senn dam sienu Kjingja goot buliat? Wieda saicht daut daut dee saul bloos eenu Fruu habun. Soo aus dee jriekashu Shreffft daut hia uut laicht jleew ekj daut radt fonn een Maun waut gaunts too frad ess mett sienu ajunu Fruu. Dee ess unn Maun fonn eenu Fruu, daut ess, dam sienu Uugun kjikjun nich onneedich no aundru Fruujus. Hee ess too frad mett sienu ajunu Fruu. Wann doa soonu sent dee jutrubolt senn mett aaru Uugun tuus holun, dan wuudun daut nich goodu Eltichstah jawun.

Nuu, wieda, soonu wooa eena sull no kjikjun wann daut

kjempt toom fu daut Liadeenst walun, sull ukk soona senn waut nich fal aum Wien Desh sett. Daut ess soona waut nich auluwaajun shputsiarun deit unn emma noburn deit. Too onsu tiet wood wie saijun daut sull soona senn waut nich emma emm Koffu shop wia. Soona waut auluwaajun shputsiarun deit ess nich daut bastu too walun aus Pradja ooda Diakoon.

Unn waut fonn elru Fruujus? Dee sullun nich aulu waejun senn toom shputsierun, wooa doa dann boolt well juradt woarun fonn soont waut nich goot ess. Leewa, sullun dee elru Fruujus dee jingru too halp senn enn soonu sachun aus dee Shreffft bushriff tenn Titus 2. Enn Titus 2:3 wooa daut fonn dee elru Fruujus radt, doa radt daut ukk fonn 'Lestarinnen'. Dee Plaut Dietchu Shreffft awasatt ditt aus 'Pluudarie driewun'. Ditt ess waut well komun wann too fal woat bie'm tee Desh, ooda Koffu Desh, ooda Sauft Desh toop judrungkun.

Diss Pungk fonn waut dee Shreffft radun deit ess noch emma kraikt soo wichtich aus too Biebol Tiet. Fonn daugol mucht wie saijun daut soona sul nich too, too fal Koffu ooda Tee jujaft senn. Mett daut wood wie dann mengun daut dee sull nich aulu waejun settun unn futallun dingja wieda. Soo fushto ekj mengt dee Shreffft wann dee saicht daut sullun nich 'Wien suppa' senn.

K. 1 Timotajus 5:23

Aum latstun go wie nuu no 1 Timotajus 5:23. Hia saicht dee Apostol Paul too Timotajus, "Dringkj nich meeja Wota, oba brukk unn bat Wien fu dienu Maugj unn dienu shwakichkjeitun." Nu, daut ess kloa daut ditt too doon hafft mett Timotajus sienu jusundheit. Daut ess ukk kloa daut hee mett dee Maug jutrubolt ess.

Unn nuu fraug ekj, waut mekt onns jleewun daut disu Shreffft shtad fonn jujaedun Wien radt? Ess daut doa waejun daut jujaeda Wien goot ess fu dee Maug? Docta David Hocking saicht daut daut jaerun fushtat daut goots waut enn dee Wiendruwun ess soo wiet aus dee jusundtheit om bulangt ess. Hee saicht daut dee Doctash enn Iesreel rodun too fu dee Maug, on jujaedun Wiendruwun Sauft. Dee elru shriewa saijun daut dee Wiendruwun Sauft daut bastu ess fu dee

jusundheit wann dee Sauft soo jumaekt ess daut dee nich meeja jaerun kaun.

Enn aul mien shtudiarn ess mie eenu sach kloa juwordun. Jujaedut dringtich ess shlaich fu Menchun. Daut ess beidus Jefft unn unn Drug. Noch eenu Sach waut mie Kloa ess juwordun ess daut Wiendruwun goot senn fu dee Jusundheit, busondash roodu Wiendruwun. Soo goa, dee Sot kjiena fonn dee Wiendruwun sent jusundt. Dee Doctash haben nomus fu daut waut doa goot ess enn Wiendruwun. Opp Engolsh senn daut 'antioxidents'. Twee fonn dee heetun 'pterostilbene' unn 'resveratrol'. Lota woa ekj noch meeja siajun fonn daut goots enn Wiendruwun. Lot onns hia bloos saijun daut dee Wien waut Paulus Timotajus too rod, woat nich sen jujaeda Wien juwasst.

Unn soo se wie bott daut eng jukomun fonn dee Shreffft stada no seen waut sikj daut soo maekjun hiarun daut Gott too jefft jujaedun Wien too dringkun. Unn nuu well wie wieda seen, ess doa noch meeja oppwies daut Maun nich sull aarjunt jujaedut dringkun.

VII. OPPWIES JAEJUN JUJAEDUN WIEN BRUKKUN

A. Oppwies Fonn Dee Biebol

Soo go wie dann nuu awa no dam Oppwies jaejun jujaedun Wien brukkun wat ekj hab jufungun. Dee iashta oppwies jaejun Suup shtoff dringkun well ekj jawun fonn dee Biebol. Wie haben dee Shreffshtada no juseen waut sikj soo hiarun aus wann daut Shreffftjumasich ess jujaedut dringtich too dringkun. Oba ekj hab prooft too wiesun daut wie haben daut oraicht oppjufot.

Nuu well ekj onns Shpricha 23:29-35 faa lasun. Daut saicht, "Wam jeit daut shwoa? Waa es truarich? Waa ssangt un klaucht? Waa hafft onnidju Wundun unn roodu Uugun? Dee, dee toolang shluurun bei'm Wien; dee dee jumishtun Wien sakjun. Kjikj nich no dam Wien wann dee root ess; wann dee emm Kuffol jlitzat, wann dee glaut rauf jeit. Mett dee Tiet bitt dee aus eenu Shlang unn staikt die soo aus nu jefftju Shlang. Dienu Uugun woarun sondaboaru Dingja seenun, unn dien Hoat woat shlaichtu dingja saijun. Du woasht soo senn aus eena dee meddun oppum Maa huach opp dam

Saajulpost shlapt. Du washt saijun: 'Dee shlugjun mie oba mie deed daut nich wee; dee fukloptun mie, oba ekj feeld daut nich. Waneeja woa ekj opp waikjun, daut ekj noch eemol dringkjun kaun?'"

Ditt ess nu seeja shtrengju Shrefftshtad. Disu shtad latt kjeen ruum toom duurun. Hia hab wie een Dringkj waut doa waut shlaichtut deit unn daut waut doa dann no haa pussiat. Iasht hab wie daut waut doa pussiat enn nu Fraug: "Wam jeit daut shwoa? Waa es truarich? Waa sangt un klaucht? Waa hafft onnidju Wundun unn roodu Uugun?" Bie wam pussiat soont? Dann kjempt dee Auntwuuat soo, "Dee, dee toolang romm ligjun bie dam Wien; dee dee jumishtun Wien sakjun."

Lot mie hia waut too laijun fonn dee roodu Uujun. Dee Docta, Michale P. Dunlap saicht wann hee radt fonn waut Wien deit too dam Kjarpa, "Eenu uutfaul fonn Alcohol dringkjun ess, (wie saijun opp Engolsh 'blood sludging', daut Bloot woat dikj) woa dee roodu Bloot cells klumpich woarun unn dee kjlienu Bloot Odurn too shtoppun, unn daut daut Oxygen fonn daut Bloot helt, unn wessu fonn dee cells doot maekt. Disu cells doot maekjun ess daut wichtichtichstu e'm Fushtaunt. Wann dee druk oppbuut dann braekjun dee kjlienu cells twei unn maekjun dee Uugun root, unn enn eensju woat dee Huut root enn dam Dringka sien Jusecht. Dee Bloot cells kjenn ukk twei braekjun emm Bukk unn emm Haults unn kaun Maun toom Doot bringjun."

Nuu enn dee 31 Farsht hab wie unn bufal nich jujaudut Judrengk too dringkjun. Daut saicht, "Kjikj nich mol opp soon Wien." Mengt ditt opp aulun Wien? Na. Daut saicht, "Kjikj nich opp DAM Wien." Unn woont ess 'dam' Wien? Daut ess dee Wien waut doa jujaet hafft, dann daut ess soon Wien waut dee Uugun root maekt, unn aul daut aundru waut hia bushrawun ess. Dee Wien waut nich jujaet hafft maekt dee Uugun ukk nich root, unn deit ukk nich aul daut aundru. Unn dee bufal hia ess daut eena nich mol saul no soon Wien kjikjun, sents noch daut dringkun!

Seetumol, soon wien deit shlaichtu dingja. Wam jeit daut shwoa? Waa es truarich? Waa zangt un klaucht? Waa hafft onnidju Wundun unn roodu Uugun? Dee waut soon Wien dringkjun! Aum eng bitt daut aus nu jefftju

Shlang, unn kjeen wunda, dann daut ess Jefft! Diss Wien kjempt fonn dam Wienrangk waut enn Soodum waust! Disu Wiendruwun jawun Gaul unn Jefft, soont aus waut nu Shlang hafft!

Oba doa mucht waa senn dee mucht sai jun, "Na, disu Shrefftshtad radt bloos fonn soonu waut too lang bie dam Wien senn. Unn bat Wien ess goanich shlaicht fu eenum." Wie woarun lota seen waut un bat Wien deit. Waut dee Doctash uut jufungun habun ess daut uut aulu 10 waut bloos een drinkj habun woat eena unn Alcoholic woarun. Uut 10 soonu Alcholics woat eena sikj daut lawun namun. Wess duu habun daut dee eena uut 10 sul dien Kjint senn?

Wann Gott too latt daut Alcahol dringkun goot ess, dann jleew ekj ess Got sien Karakta opp nu Fraug jushtalt. Aulus waut ekj fonn dam Gott fonn dee Biebol juliat hab ess goot unn rein unn fein. Awa 30 Joa hab ekj disun Gott liat bata kjann. Dee ess heilich, seeja heilich. Dee ess goot unn doa ess nusht shlaichtut enn dam. Unn wann diss groota gooda Gott saicht unn bat Wien dringkun ess fein, wann hee selfst weet waut daut deit too unn Mench, dann fang ekj aun too wundurn awa disum Gott. Aulus waut enn mie ess jeit jaejun soonu Judangkun.

Jacobus 1:13 saicht, "Lot kjeenum siajun wann amm fulokt woat, 'Gott fulokt mie'; dann Gott kaun nich fulokt woarun unn hee deit ukk kjeenum aundrun fulokun." Nu, wann Gott saicht unn bat Alcahol ess goot, ooda Maun kaun soo fal dringkun daut dee sikj aunfangt goot too shparun unn shafftich woat, dann kaun ekj nich aundash seen aus daut hee Maun fulokt. Wuud Gott aarjunt waut too lotun, ooda soogoa too rodun, wann daut eenum dam Sen buteibt unn jaejun aulu Organs emm Kjarpa feitun deit? Wood Gott daut too rodun waut eenum maekt no meeja jangkern, oba eena kaun bloos unn bat, unn doa mott eena opp hiarun? Ditt hiat sikj mie bloos nich no dam Gott fonn dee Biebol.

B. Oppwies Fonn Wessu Biebol Wiad

Doa ess noch een Oppwies jaejun jujaedut Judrengk dringkun. Daut ess wann eena dee Wiad fonn dich bie busitt waut sikj daut soo maekjun hiarun aus wann unn

bat suuptich dringkun unn doont ess. Toom biespell, wann eena daut liat daut daut Heebra'ashut Wuuat 'Jajin' kunn awasatt woarun aus Wiendruwun Sauft ooda Wien, daut maekt unn groota unjasheet. Wann wie enn dee Biebol daut Wuuat 'Jajin' awasattun deedun aus Wiendruwun Sauft enn jieda Shtad wooa daut jubrukt woat, daut wood unn groota unjasheet maekjun enn woo wie dee Shreftshtada fushton deedun. Dann wood dee waut doa lasun diet mottun no seen, radt ditt fonn jujaedun Sauft ooda nicht.

Wann daut Wuuat 'Shawkawr' awasatt wort aus 'foll judrungkun' leewa aus 'duun' enn wessu shtada, dann wood wie daut leichta fushton daut daut nich ombudingt fonn jujaedut Judrengk radt. Unn doa waejun daut daut Wuuat 'shawkawr' emma woat fushton aus 'duun', dann jleew wie fonn daut, daut daut Wuuat 'shaykawr' mengt emma unn jujaeda Dringk.

Emm Niat Tastement woat daut Wuuat 'methuo' meis emma awasatt aus 'duun'. Oba daut kaun kraikt soo goot mengun 'foll judrungkun'. Wann eena fol jujaedun Wien ess, ess eena ombudingt ukk duun. Oba wann eena foll Wiendruwun Sauft ess, ukk soogoa noch awafoll, ess eena oba doch noch nich dunn.

Unn daut Wuuat 'gluekos', budiet nich jujaedun Wien oba soona waut nich jujaet hafft. Ditt too fushton kaun eenum halpun too seen daut dee Shreffft nich too jefft jujaedun Wien too dringkun.

C. Oppwies Fonn Dee Wissunshafft

Nuu well ekj Oppwies fonn dee Wissunshafft jawun. Engolsh hab wie daut Wuuat 'science'. Opp Huuach Dietch ess daut dee 'Wissenshaft' ooda 'Naturwissunshaft'. Dee 'wissunshaft' jefft fal oppwies jaejun Wien dringkun. Dee Wissunshoft saicht daut aulut jujaedut Dringktich ess beidus Jefft unn unn Drug. Onnsu Polits enn Canada habun unn kjlienut Buuaksju fu jungu Menchun too lasun aun jujaedut dringkun. Unn doa wia een teema benn mett dee Awashreft, "Nampt Juunt dee Woarheit." Unn hia es dee woarheit waut doa bushrawun wia: Alcohol ess beidus Jefft unn unn Drug. Hia jeit nich jaejun too shtriedun.

Ekj noom jrots unn Test toom oppum Wota foarun. Soo ess daut nuu enn Canada. Unn dee radun doa benn seeja shtreng jaejun aarjunt waut jujaedut dringkun. Dee sadun daut wort emma jusaicht daut wann Maun 'hypothermia' haud, daut ess dee ess too lang kolt juwast unn dee ess bott dam omm komun, dann wort dam iasht emma waut Alcohol jujaft dam opp too woamun. Oba dee bushreewun daut suup shtoff deit eenum nich woam maekjun. Waut daut deit ess daut bringt daut waumps fonn benn butt buutun. Daut shpaat sikj aus wann dee opp waumpt oba nu woat dee eeja kolt fonn benn. Daut bat waumps waut noch enn dam Mench ess, kjempt nuu ukk noch ruut. Ditt liat dee Wissunshoft.

Oba nuu Fraug ekj, wann Alcohol unn Drug ess, waut saicht dee Shreffft fonn Drugs? Lot onns no Galauta 5:19-20 dreijun. Daut radt doa fonn nom Jeist ooda nom Fleesh lawun. Nom Fleesh lawun ess grootu Sind. Ekj hab nich Tiet hia kloa too maekjun waut duat ess, buuta daut ess Sind. Unn dee dingja waut buwiesun aus eena nom Fleesh laft senn enn dee 19-20 Farshtun bushrawun. Unn enn dee 20stu Farsht radt daut fonn dee Zaubarie. Daut jriekashu Wuuat ess, 'pharmakia'. Wie kjrieun onns Engolshut Wuuat 'Pharmacy' fonn ditt Wuuat. Ditt Wuuat mengt Drugs. Wann disu Drugs woarun jubrukt fu dee Jusundheit dann nann wie soon Shtua woo daut fukofft woat unn 'Pharmacy' ooda unn Drug Shtua.

Een Pradja enn dee Shtats saicht, "Alcohol ess un Drug, soont waut buteibt, unn dol drekt. Daut fushtiat dee Sennung unn dam Senn, unn woo bosich eena dengkun kaun. Alcohol ess unn Drug unn Jefft. Aarjunt eena waut junuah judrungkun hafft daut dam sien Senn fushtiat ess hafft juoverdosed aun dam Drug. Daut ess nich dee Suupa waut soo duun ess daut hee hann felt waut mention doot shleit oppum Highway. Na, daut ess dee waut unn bat judrungkun hafft, waut bie du Moltiet waut too dringkun juhaut hafft, ooda waa fonn Baul Game kjempt, unn haft unn poa Beeja juhaut unn shticht ennu Koa unn foat.... daut ess dee junga Mench waut fo'm party kjempt." Unn dann saicht hee, wann dee junga Mench iasht doot ess woat jusaicht, wie mottun doa no seen daut Alcohol waut aarlaubt ess emm Bloot laaja jusatt woat. Oba, hee saicht, daut ess nich daut wie daut mottun liarun daut wie nich 'too fal' dringkun. Wie motton liarun

awaheipt nich Alcahol too dringkun. Hee saicht mett onnsu Beeja adds opp TV ooda Radio lia wie onnsu jungu Menchun too suupun. Unn hee saicht daut ess Tiet daut wie onnsu jungu Menchun raicht fonn oraicht liarun.

Fonn dee Wissunshoft lia wie daut soo feks aus diss Jefft emm Kjarpa kjempt fangt dee Kjarpa aun daut Jefft too feitun. Unn benna unn poa Minuutun wann daut emm Kjarpa ess, fangt daut aun jaejun jieda Organ emm Kjarpa too feitun unn dam too fudowun. Ditt nempt mett enn dam Fushtaunt. Unn daut maekt cells doot emm Fushtaunt unn dee wausun niemols trig. Dee Wissunshoft liat onns daut jujaedut Judrengk fientlich jaejun dam Kjarpa shauft, unn wie dringkun daut aus wan daut jusundt ess fu onns. Kje wie fonn dee Wissunshoft nich liarun daut dee Beesa hingja ditt ess? Soogoa Pradjash unjashtettun unn bessju dringkun.

D. Oppwies fom Jusaz

Nuu well ekj noch oppwiess jawun jaejun Alcohol dringkjun fom Jusats. Enn Canada hab wie dee Politz unn dee heetun dee RCMP, Royal Canadian Mounted Police. Unn dee seen doano daut daut Jusaz woat juhoolun. Unn dee weetun woo wichtich daut ess mett Alcohol. John Ryan, waa enn dee "British Association of Accident and Emergency Medicine" ess saicht ditt, "Ekj kaun nich unjashatsun woo wichtich Alcohol ess enn 'emergency departments' - wie woodun uut oabeit senn wann daut nich fu Alcahol wia.

Enn Britain dengkun su habun bie 65% fonn aulu Selfstmort ommshtauntun mett Alcohol too doon; 76,000 shteetun sikj daut Jusecht doaderch; 23% fonn dee Kjinja waut nich jusheit busorcht senn; 39% fiash, unn 15% fonn dee waut fusuupun habun mett Alcahol too doon. Seeja fal sexual Sind kjempt derch Alcahol. Unn daut jusaz hafft dee Oppgow no ditt too seen.

Ekj wuud hia kjenn lang lasun, wann ekj juunt wull daut faa lasun waut daut Jusaz too sai jun hafft awa Alcahol. Enn du 1950s jleewdun 98% fonn dee shtatshu Shtudentun daut Alcohol dringkun oraicht wia. Enn 1961 wiarun daut mol 78%. Enn 1982, wiarun daut ol

mol 17%. Ekj fraug, waut ess daut waut Kjrisstun ess juwordun?

ENTSHLUSS: Soo dann maekj wie shluss too fonn daugol. Dee Dringkj waut Jeesus iashtuns wort aunjubodun aum Kjriets waut dee Feeling buteibt neem hee nich. Daut tweedu mol, aus amm ol soo goa dee Tung aun dee Bakkun aun bakkt mett darsht, shpottun see amm unn boodun amm jujaedut Judrengk aun, oba hee neem daut nich. Daut latstu mol auss amm unn Dringkj wort aun jubodun, dann drungk hee. Diss Dringk, wia unn Dringkj on Alcohol. Dee Wien enn Apostoljushichtun 2:13 ess seeta Wien on Alcohol.

Dee Shreffshtada waut fonn Diakoonun unn Pradjash unn elru Frueguss radt hab ekj wada faa jushlaugun ess Wiendruwun Sauft. Disu Shrefftshtada habun too doon mett fal romm dam shputsia Desh settun, wooa daut un juplaupa well jawun. Wann disu Shreffshtada fonn Wien mett Alcohol radun, dann jawun dee too daut Kjrisstun waut nich e'm deenst senn, fal Alcohol kjenn dringkjun. Ditt mott wie onns derch dengkjun. Unn too soon entschluss wood ju wie niemols wellun komun. Unn dee Wien waut Paulus sad Timotajus sull dringkjun fu sienu Maug? Dee basta Wien fu ditt ess nich dee jujaeda, oba dee on jujaedu Wiendruwun Sauft.

Lot onns, aus Kjrisstun mett unn kloarun senn, disu shreffshtad goot derch dengkjun, dann waut wood dam Beesun bata jufaulun aus onns enn een Skanlonshun fala nenn leidun.